

Kontuola

ANTZUOLA / Eguaztena / 2001eko abenduaren 5a / 93. zenbakia

KOORDINATZAILEA: Aintzane Irizar • Barrenkalea, 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

Diputazioaren proposamenaren zain dago Udala, errepidean hobekuntzak egiteko

AINTZANE IRIZAR

Irailean, Diputazioko errepide saileko arduradunak Antzuolan egon ziren errepidearen egoera aztertzen. Udalak esaten duena onartu zuten: errepidea arriskutsua dela, eta zerbait egin beharra dagoela. Orain, Diputazioaren erantzun ofizialaren zain dago Udala.

Udala aspalditik dago Diputazioko errepide arduradunekin harremanetan, Antzuolatik pasatzen den errepideak sortzen duen arriskua dela eta. Errepide hori ez da trabesiatzat hartzen, eta trabesia izendatzea da, hain zuzen ere, Udalak eskatzen duena. Trabesiatzat hartzeak, abiadura muga jaistea ekarriko luke, eta arriskua gutxituko litzateke.

Bestalde, eta aurrekoarekin lotuta, herriarekin lotuneetan hainbat hobekuntza egin beharra dagoela uste du Udalak, eta halaxe azaldu dio Diputaziolari. Batez ere, Lapatza pareko lotunea jotzen du arriskutsutzat Udalak, baina baita Goizper parekoa, Beheko auzokoa eta futbol zelairakoa ere. Sagasti auzotik egiten ari diren errepiderako lotunea ere



Sagasti auzotik egiten ari diren lotunea ere kontuan har dezala eskatu diote Diputaziolari.

kontuan har dezatela eskatu die Diputazioko arduradunei.

Arriskua sortzen duen beste puntu bat, eta garrantzitsuenetakoa, Errekalde pareko zebra

bidea da Udalaren iritziz. Izan ere, kotxeak abiadura handian etortzen dira, eta jende asko ibiltzen da, gainera, paseatzen inguru horretan.

DIPUTAZIOAREN IRITZIA

Irailean 27an egon ziren Antzuolan Diputazioko teknikariak, tartean, Iñigo Zufiria errepideen mantentzerako arduraduna. Horre-

Diputazioaren ustez, zati bat baino ezin da trabesiatzat jo, gainerakoa saihebideta da

la, bertatik bertara ikusi zuten zein den errepidearen egoera.

Iñigo Zufiriaren esanetan, "proposamen zehatz bat prestatzen ari gara momentu honetan". Zufiriaren eta Diputazioaren ustez, "errepidearen zati bat besterik ezin da trabesiatzat jo, Errekaldeetik Goizperreko lotunearen ingurunea artekoa, hain zuzen". Gainerako guztia saihebideta omen da, eta badirudi saihebidetza izaten jarraituko duela.

Errekalde pareko zebra bideari dagokionez, Diputazioko arduradunek gune hori hobetu beharra dagoela onartzen duten arren, oraingoz, behinik behin, ez daukate hori konpontzeko proposamenik.

Dena dela, oraindik ez dute Diputazioko arduradunek proposamen ofizialik egin.


HERRITARREN HITZA / Joseba Lezeta • Kazetaria

Kalean gora, kalean behera

Joan zen asteko astelehenean zorigaiztoko istripua gertatu zen Antiguan. Kamioi bati errubera bat askatu, eta abiadura bizian joan zen kalean behera. Haurra besoetan zeukan emakume bat jo zuen, baina bete-betean harrapatu ez, zorionez, eta zauri txiki batzuk baino ez zizkion eragin andreaki. Zorigaiztoko istripua izan zen, edozein lekutan eta edozeini gerta dakiokiena. Halere, agerian utzi du arazo bat. Oso kamioi handiak ibiltzen dira herriko kaleetan, Kalebarrenen, Beheko Auzoan eta Antiguan. Eta horiek, ahal den

heinean behintzat, kaleetatik kanpo behar lukete. Industrialdeak, Antzuolako lantokiak soluzioa izateaz gain, arazo hori ere konponduko luke. Gero eta ibilgailu astunagoak ikusten dira haruntz eta honuntz, fabriketara bidean.

Antzuolako kaleetan, dena den, bada beste arriskurik belozidarearen erruz. Zenbait auto, zenbait gidari, azkarregi ibiltzen da, oinezkoak, uste



"Aguazilak ez du ezergatik isunik jartzen"

baino arrisku larriagoan jartzen dituela. Duela urte batzuk emakume bat hil zen Kalebarrenen, autoa espalaira igo eta azpian hartu ondoren. Azeleroi eta errubera hots dezente entzun da azken hilabeteotan, eta duela bi aste auto bat markatuta azaldu zen goizean, gauean norbaitek atzetik jo eta gero. Bere lekuan zegoen hura, geldirik.

Aguazilak ez du isunik

jartzen, ez bizkorregi ibiltzeagatik, ez autoa gaizki uzteagatik, ezta ezergatik ere. Hauxe da erosoena guztiontzat, berarentzat zein gidarientzat. Inorekin ez haserretu, eta kito. Gero, zerbait gertatzen bada, buruari hazka egin eta aurrera. Antzuolan, gainera, lasai asko ibiltzen gara guztiok, bide erditik zenbaitetan, eta horrek areagotu egiten du arriskua. Dena den, istripuak, bakan batzuk badira ere, gertatu egiten dira, eta norbaitek neurriak hartu behar lituzke, berandu izan baino lehen. Baten batek izango du bada Udalean, kaleko zirkulazioaren ardura?

LABUR

AHTaren aurkako sinadurak batu zituzten zapatuan

Joan zen zapatuan, abenduak 1, sinadurak batzeko eta informazioa zabaltzeko mahai bat jarri zuen Antzuolako AHTren aurkako taldeak. Kalebarrenen egon ziren taldeko kideak, herritarren atxikimendua lortzeko sinadurak batzen. Abiadura Handiko trenaren aurkako banderak ere saldu zituzten.

Antzuolako batzorde hau aurtengo udan sortu zuen herritar talde batek, eta orain arte egin dituzten bilketetan sinadura ugari batu dute.

TELEFONO JAKINGARRIAK

OSASUNA/LARRIALDIAK

DYA 943 78 71 57
Gurutze Gorria 943 76 55 76
Medikua 943 76 62 23
Praktikantea 943 76 63 80
Udaltzaingoa 943 76 62 46
Ertzaintza 943 76 53 40

UDALA

Udaletxea 943 76 62 46
Liburutegia 943 76 60 65

BESTELAKOAK

Idolaz 943 78 60 12
Herri ikastetxea 943 76 62 68
Jubilatuaren elkarte 943 76 62 71
Abadetxea 943 76 64 16
Anelkar (Kontxi) 943 78 70 65
Taxiak:
Antonio Fernandez 669 15 65 40
Jesus M. Fernandez 607 31 85 60

MEZAK

ANTZUOLAKO PARROKIA

Lanegun eta zapatuetan: 19:30
Domeka eta jaiegunetan: 09:00, 11:30

UZARRAGAKO PARROKIA

Domeka eta jaiegunetan: 10:00

OHARRAK

INDEPENDENTZIA EGUNA

Datorren egunean, abenduak 12, 372 urte beteko dira Antzuolak independentzia lortu zuela. 1629. urtean izan zen hori. Urtero bezala, hori ospatzeko jaia antolatuko dute aurtengoan ere. Baina, azkeneko urteetan moduan, urtarrilean izango da, abenduan frontoia ez delako erabiltzeko moduan egoten. Antolatzaileak lanean hasi dira dagoeneko, eta laster jakin ahal izango dugu noiz izango den ospakizun egun hori.

FINALAK ERABAKITA DAUDE

Zapatuan jokatu zituzten herriko pilota txapelketako bigarren mailako finalerdiak; erabakita geratu da, beraz, finala zein bikoteek jokatu duten. Iparragirre-Sanse eta Larrea-Aranguren bikoteek, hain zuzen ere. Lehen mailakoa, berriz, Aranburu-Lizarralde eta Arbulu-Mendizabal bikoteek.

BASERRIZBASERRI/ Galardi



VASCONGADOS TRENBIDEAREN ALBOAN Kaletik pare bat kilometrora dago Galardi, garai batean Zumarragatik Bergarara zihoan Vascongados zeritzan trenbidearen ertzean. 1391ko lehen aipamenaren arabera, Sancho Martines Galardy bizi zen hantxe. 1854. urtean berreraiki egin zuten baserria. Gaur egun, familia bakarra bizi da Galardin, nahiz eta bi etxebizitzako baserria izan; Timoteo Guridi, Maria Jesus Elezpuru, Jabier Guridi, Ana Loidi eta euren bi seme-alabak, Auritz eta Maialen. Alboko etxebizitzan bizi ziren Elgarresta-Aranes sendikoak, auzoko Basalde errotako eta Basalde indarretzeko promotore-etako batzuk ere izan ziren. /AINTZANE IRIZAR/ ITURRIA: IÑIGO RAMIREZ DE OKARIZEN. 'ANTZUOLAKO BASERRIAK ETA ERROTAK'

BOTEPRONTOAN/ Florentino Lamariano · Ahate zaintzailea

“Hontzak emoten dost neri lan gehixen, txita jaioberrixak hartu eta eroan egitten dittu-eta”

Ogia saltzen jarraitzen dute Antiguako errotan, baina erretirata dago Florentino. Baserriko lanak egin eta ahateak zaintzen ditu.

Okina izandakoa zara. Orain, egiten duzu etxean ogirik?
Ez; egunen baten igual egitten dot, kapritxua sartzen bajat.
Erretirata zaude, baina, lanean jarraitzen duzu.
Bueno, lanian-edo; oraingo nere lanak entretenigarri dira: ortua daukat, frutak be bai...
Ahateak ere zaintzen dituzu.
Bai; gure etxe aurrian parkia egin zanian, estankeko ahatak neuk zaintzia proponidu zosten, eta onartu egin neban.
Zein zainketa behar dute?
Lan haundixena hontzak

emoten dosku, txitak hartu eta eruan egitten dittu-eta. Gero, ba, horixe, jaten emon-eta; lan haundirik ez doste emoten.
Zenbat ahate daude?
Hamasei bat-edo.
Herriko umeak etorriko dira ahateak ikustera, ezta?
Bai; udan lan gutxiago edukitzen dot ahatei jaten emoten, umiek emoten jaue-eta: gusantzuak, ogixa... Jubilauak be etortzen dira jaten emotera.
Errota martxan daukazu.
Bai; orain dala urte batzuk konpondu eta martxan jarri neban; umiak eta bestelako taldiak etortzen dira ikustera. Eta ezagunek, noizian behin, eskatzen doste artua xehetzeko, baiña kapritxo basterik ez dot erabiltzen.



Antzuolako txokorik politena zein da?
Neure etxeaurria.
Zer aldatuko zenuke herrian, zure esku balego?
Guarderixiak falta egitten dabela pentsatzen jat, gero eta ume gehixago dago-eta.
Gabonetan loteria tokatzen bazaizu, zer egingo duzu?
Tenerifera alabia bisitatzera juan-edo...
200 milioi pezeta tokatzen bazaizu, zenbat euro tokatuko zaizkizu?
Uff! Horretan oso berde nago... Kalkuladoriak segittuan etarako neuke kalkulua.
Zer eskatuko diozu Olentzerori?
Osasuna eta herri honetako problema danak konpontzia.

LARREA
TABERNA
Kalebarren 17
ANTZUOLA

Igor eta Txomin

Margoak orokorrean
ANTZUOLA 609 157 131
BERGARA 609 150 164

Tomas Gezalaza
Apainketarako eta industriarako pinturak
Paper margotuak
Moketak eta tapizatuak
Kalegoi 21
Tf. eta faxa 943 76 64 07
Poltsikokoa 616 277 999
ANTZUOLA / BERGARA

GAILUR
taberna eta gozotegia

Buztinzuri 13 ANTZUOLA
Tf. 943 78 70 32

Tomas Gezalaza
Zoruen kutxilatuta eta barnizaketa
Kalegoi 21
Tf. eta faxa 943 76 64 07
Poltsikokoa 616 277 999
ANTZUOLA / BERGARA